

1625_0623.jpg

Histoire de nostre temps.

613


comme personne qui m'auez aymé : ouurez
 les yeux pour me considerer sensiblement, &
 comme Chef de la Iustice fermez-les apres
 pour choquer tout sans aucune contrainte à
 ma deffence. Heureuse est la souffrance qui
 est pour la protection de l'affligé. Je finis, avec
 honte de la longueur de ma lettre, n'estoit vo-
 stre bonté à qui ie m'en remets, vous y com-
 paritez, s'il vous plaist, à tant d'extremitez
 qui me talonnent, & iusques à me pardonner,
 comme ie vous en supplie tres-humblement,
 ce qu'un trop vif ressentiment, peut-estre, de
 mes maux m'auroit faict prononcer moins
 considerément; le principal est nostre Cœur,
 lequel ie vous proteste en moy tout entier
 pour le Roy, comme ie dois, & à prier Dieu,
 Monseigneur, qu'il vous conserue heureuse-
 ment à longues annees; C'est Vostre tres-
 humble, & tres-obeyssant seruiteur, La Vieu-
 ville.

C'est assez traicté pour ceste fois des Finan-
 ces & des Financiers; voyons arriuer à Lyon
 le Cardinal Barberin Legat de sa Saincteté &
 du S. Siege.

Cy-dessus fol. 185. & suiuant a esté rapporté
 la Lettre de sa Saincteté, sur le sujet de ceste
 Legation. La premiere Entree & reception
 qui fut faite audit sieur Legat, fut à Lyon au
 commencement du mois de May, là où il fut
 magnifiquement receu selon les commande-
 mens & les ordres receuës du Roy.

Le Marquis de Villeroy, Gouverneur de
 Lyon, accompagné de la Noblesse de ses Gou-

1625_0624.jpg



1625_0625.jpg

Histoire de nostre temps.

625

Chapitre, son Dais fut enleué des fenestres du logis de S. Christofle fort dextrement, ceux qui le portoient y ayans contribué en le haussant: Aussi tost les Chanoines & Comtes de S. Iean luy presenterent le leur.

Après leur harangue & submissions s'estans acheminez vers S. Iean, croyans que ledit sieur Legat les suiuist iusqu'à la porte (comme c'est l'ordinaire) ils y receurent l'aduis, que pour esuiter la foulle & le desordre des parties qui s'estoient dressées pour auoir sa Mulle, il estoit descendu deuant la porte de Saincte Croix à vn signal que le Marquis de Villeroy luy auoit faict, comme ils en auoient auparauant deliberé, tellement qu'il fut conduit par ledict sieur Marquis au trauers des Eglises de Saincte Croix & de S. Estienne, d'cù il entra en celle de S. Iean, & où après auoir faict ses prieres, il se rédît à l'Archeuesché sans aucune incommodité. Son dernier Dais fut dechiré en pieces par ceux qui en peurent auoir, & la Mulle fut enleuee par ceux de la partie de Brocquin, qui se trouua la plus forte.

Ledit sieur Legat desirant s'acheminer en Cour en diligence selon l'ordre qu'il en auoit de sa Saincteté, sans faire sejour en aucun endroit, arriua au Bourg la Royne à deux lieues de Paris, la sepmaine deuant la Pentecoste, là où durant les Festes vne multitude infinie de Parisiens furent receuoir sa Benediction.


Le Mercredi 21. de May, iour pris pour faire son entree dans Paris, sa Majesté ayant député le Duc de Nemours pour l'aller prendre

Vnzieme Tome.

R z

Son arriuee
au Bourg la
Royne, où
le Duc de
Nemours
le fut visiter
de la part
du Roy.

1625_0626.jpg



626 M. DC. XXV.

dre au Bourg la Royné, & l'acconduire iusques à S. Jacques du Haut-pas, il partit ledit iour pour y aller sur les huit heures du matin, accompagné du Marquis de Beuvron, du Comte de Chateau-vieux, de plusieurs autres Seigneurs Comtes & Barons, & des Compagnies des cheuaux legers du Roy. M. de Bonneuil Maistre des Ceremonies de tous les Ambassadeurs, partit aussi à la mesme heure dans le carrosse du Roy, lequel sa Majesté enuoyoit audit sieur Legat, suiuy d'un nombre d'autres carrosses pour les personnes qualifiees de sa suite.

Ledit sieur Duc de Nemours, apres auoir salué M. le Legat de la part de sa Majesté, & luy auoir offert tout ce qui estoit deu à sa qualité; ils monterét eux deux seuls dans le carrosse du Roy: & les Euesques de sa suite, avec les Euesques & Seigneurs François dans les autres carrosses: ce faict, on prit le chemin du faubourg S. Jacques, les Cheuaux legers estans en belle ordonnance sur les ailles pour accompagner ledit sieur Legat iusques à saint Jacques du Haut-pas.

Son entree
dans l'Eglise
de S. Jacques
du Haut-
pas.

Descendus du carrosse, M. le Legat fut conduit par le Duc de Nemours dans l'Eglise, tendue des tapisseries du Roy, où durant que les Peres de l'Oratoire chanterent le *Te Deum*, il fit ses prieres: finies, l'un desdits Peres luy ayant fait vne brefue harangue, il leur donna la Benediction. Ce faict il fut conduit par ledit sieur Duc dans la Chambre qui luy estoit preparée, où en se reposant & attendant le dis-

1625_0627.jpg

Histoire de nostre temps.

627

ner, M. le Cardinal de la Vallette le fut visiter, & luy faire les compliments.

Est visité
par le Car-
dinal de la
Vallette.

Depuis son entree en France, sa Majesté luy avoit enuoyé le sieur Cocquet Controolleur general de la Maison, avec les Officiers pour le servir & traicter : ce iour (qui estoit le Mercredi des Quatre-temps de la Pentecoste) on le traicta à quatre services, des plus beaux, délicieux & grands poissons de mer & d'eau douce que l'on peut recouvrer, avec des vins les plus exquis. Ledit sieur Cocquet servit les viandes sur la table. M. le Legat fut seruy par ses Officiers de bouche ; six personnes dînerent avec luy : le Nonce du Pape en Avignon : les Euesques de Boulongne la Grasse, d'Ancone & de Rimini, ledit sieur de Bonneuil & le Colonel d'Avignon.

Et traicté
magnifi-
quement
par les Offi-
ciers du
Roy.

La Musique de sa Majesté ayant rendu graces, environ demy heure apres M. le Legat descendit en la Cour S. Iacques du Haut-pas, & s'assit en vne chaire de velours cramoisy incarnat, laquelle estoit sous vn riche Dais : lesdits Euesques, le Duc de Nemours, & les Seigneurs François qui l'avoient accompagné estans à ses deux costez avec nombre d'Archers pour empescher les confusions aux Receptions.


L'ordre des
Receptions:

Les premiers Ecclesiastiques furent les Peres Minimes, les Iacobins Reformez, les Peres Capucins, & les Religieux du second & troisieme Ordre S. François, lesquels ayans salué M. le Legat & de luy receu la Benediction, s'en retournerent : Puis arriuerent les Reli-


Le Clergé

R ij


1625_0628.jpg



1625_0629.jpg



1625_0630.jpg



1625_0631.jpg

Histoire de nostre temps. 631

Musique & les Orgues, en chantant *Benedictus* qui venit in nomine Domini. De l'Eglise on le conduit à l'Archeuesché, où fut son logement durant quatre mois qu'il sejourna à Paris, sans rien aduancer pour le sujet de sa legation, comme il se verra cy-apres.

Sur la fin du mois l'Assemblée generale du Clergé, pour leurs comptes des Decimes, se tint aux Augustins à Paris, en laquelle il y auoit plus de Deputez qu'en aucune autre qui ce soit cy-deuant tenuë pour ce sujet : voicy leurs noms, selon l'ordre des Prouinces Ecclesiastiques.

De la Prouince de Bordeaux.

F. Cardinal de Sourdis, Archeuesque de Bordeaux, Primat d'Aquitaine.

Antoine de Cons, Euesque de Condom.

Henry d'Escoubleau, Euesque de Maille-

Noms des
Deputez de
l'Assemblée
generale
du Clergé.

zais.
Gaspar de Daillon, du Lude, Abbé des Chasteliers.

Pierre Peyrillac, ancien Agent du Clergé, & l'un des Secretaires de l'Assemblée.

De la Prouince de Tholose.

Louys, Cardinal de la Valette, Archeuesque de Tholose.

Claude du Vergier, Euesque de Lavar.

Iean-Louys de Bertier, Euesque de Rieux.

René de la Font, Prieur de saint Sauneur.

Iean-Pierre de Bertier, Abbé de saint Vincent.

Iean Michel, Abbé de saint Siuié, & Agent nouveau.

R r iij

1625_0632.jpg




Image issue du site mercurefrancois.ehess.fr - Cliché (c) Cécile Soudan